

Uunga siunnersuut: Piginneqatigiilluni inissiat pillugit Inatsisartut inatsisaat nr. xx, xx. xxx 2017-imeersoq.

(Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoq)

Saqqummiussinermut Akissuteqaat

(Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoq)

Aappassaaneerneqarnera

Naalakkersuisut sinnerlugit Sanaartornermut Ataatsimiititaliaq inatsisissatut siunnersuummik suliaqarnerminut atatillugu sulilluarsimaneranut qutsavigerusuppara.

Naalakkersuisut naammagisimaarlugu maluginiarpaat, ataatsimiititaliap isumaqatigiissup inatsisissatut siunnersuut akuerisassanngorlugu innersuukkaat.

Naalakkersuisut sinnerlugit Sanaartornermut Ataatsimiititaliaq aggersarneqarpoq, tassungalu aamma partiit Sanaartornermut Ataatsimiititaliamut ilaasortaatitaqanngitsut qaaqquneqarput. Aggersaaninni inatsisissatut siunnersuutit pingasuusut ineqarnermik aaqqissuusseqqinnermut ilaatinneqartut, tassalu piginneqatigiilluni inissiat pillugit Inatsisartut inatsisissaattut siunnersuut, illulioriternernut aningaasalersuineq pillugu Inatsisartut inatsisissaattut siunnersuut, kiisalu Namminersorlutik Oqartussat Kommunillu inissiaataannik attartortittakkanik inissiat imaluunniit illutut nammineq pigisatut tigusisarneq pillugu Inatsisartut peqqussutaata allanngortinneqarnissaanik Inatsisartut inatsisissaattut siunnersuut inatsisit teknikkimut tunngasortaata tunngavigalugit misissuiffigineqarput. Sassartitaanera pissarsiaqarfiulluarpoq, tassani Sanaartornermut Ataatsimiititaliaq kiisalu partiit ataatsimiititaliamut ilaasortaatitaqanngitsut apeqquteqarnissamut periarfissaqartinneqarmata.

Aappassaanneerinissaq sioqqullugu Naalakkersuisut inatsisissatut siunnersuummut matumunnga allannguutissatut siunnersuummik saqqummiussaqqarput.

§§ 4-7-ip, illoqarfinni assigiinngitsuni kommunalbestyrelsip taarsigassarsititsinnaaneranut tunngasup paatsoorneqarsinnaanerata Naalakkersuisunit paasineqarnera allannguutissatut siunnersuuteqarnermut tunngavigineqarpoq. Tassalu aaljangersakkanut taaneqartunut tunngatillugu, soorlu § 4-mi ”Nuummi kommunalbestyrelsi ...-sinnaavoq” ”Nuummi sulianut kommunalbestyrelsi ... -sinnaavoq”-mut allanngortinneqarpoq. Oqaasertaliussap allanngortinneqarnerani kommunalbestyrelsip illoqarfinnut ataasiakkaanut taarsigassarsititsinani illoqarfinni ataasiakkaani sulianut taarsigassarsititsinnaanerata erseqqissarneqarnissaa siunertarineqarpoq.

Periarfissaq taanna iluatsillugu Naalakkersuisut minnerusunik erseqqissaateqarput, ilaatigut inatsisini allani maleruagassanut innersuussinerit iluarsineqarlutik.

Soorlu Sanaartornermut Ataatsimiititaliap isumaliutissiisummini maluginiaraa kommunini il-
luliortiternernut aningaasalersuisarnermut aammalu piginneqatigiilluni inissiatillit peqatigiif-
fianut aningaasanik atugassanngortitsinissaq kontumi pingaarnermi 20.05.20 Kommunimut
ataatsimoortumik tapiissutit, ilanngunneqarumaarpoq. Tassunga atatillugu kommuninut isu-
maqatigiissutigineqarpoq aningaasat nuunneqartut “paarnaarneqassammata”, taamaalilluni a-
ningaasat ineqarnermut tunngasunut: taarsigassarsititsinermut, sanaartornermut iluarsaassiner-
mullu taamaallaat atorneqarsinnaasunngorlugit.

Kommunit illuliassaannut, illunut tamatigoortunut atuuffilinnut illunullu sanaqataaffiusunut
allaffissornermut sulianillu suliarinnittarnermut aningaasaliissutinik agguaasseriaaseqareer-
poq, tassani sumiiffiit inukinnerusut sianigineqarlutik.

Naalackersuisut ilisimatitsissutigisinnaavaat kommunini ataasiakkaani assigiinngitsunik
pisariaqartitsineq mianeralugu agguaasseriaasissaq pillugu kommunit peqatigalugit
isumaqatigiittoqarmat, tassa agguaasseriaaseq inoqassuseq aallaavigalugu pissammat.

Taamatut oqaaseqarlunga Naalackersuisut sinnerlugit allannguutissatut siunnersuutip saq-
qummiunneqartup akuerineqarnissaa inassutigaaara.